

quocumque modo illicito, publice vel secre- te, per se vel per alium, pro Generalis, Defi- nitorum, aut Priorum electionibus, prive- tur voce activa & passiva, quod est confirmat- um per Bullam Apostolicam. Hujusmodi vero privatio per quadriennium durare de- beat; quod si delinquens fuerit Prior, statim ipso facto sit privatus voce passiva; sed activa a Prioratu terminato usque ad quadriennium, ut supra.

Extravagans V.

§.363. Nullus Monachus incurrat in pœ- nas hujus Constitutionis & Extravagantis, nisi per tractatus illicitos, & a jure prohibi- tos, electioni Prioris & Officiorum quomo- dolibet præcedentes, aut per licitos & con- sultivos habitos ante bimestre immediatum, electioni Prioris, & ante biduum præcedens aliorum Officiorum electionem.

Declaratio hujus Consti- tutionis, ejus- que Extrava- gantium.

CONSTITUTIO LXXIII.

De tempore, quo legi debent nostra Constitutiones.

§.364. Legantur omnes hæ nostræ Con- stitutiones & Ordinationes in singulis nostris Monasteriis in omnium Monachorum præ- sentia bis in anno: Videlicet in mensibus Martii & Septembris. Decima nona autem Constitutio cum undecim statim sequenti- bus inclusive sex vicibus in anno: Semel vi- delicet in singulis duobus mensibus præle- gantur.

Hæ Consti- tutiones bis in anno legendæ.

Extravagans I.

§.365. Extravagantes legantur bis quoli- bet anno, quando leguntur Constitutiones. Et nostrum Ordinarium legatur semel quoli- bet anno in mense Septembris. Prior vero commendet uni Religioso curam zelandi Constitutiones & Extravagantes, ac Ordina- rium, & omnia alia stabilita & mandata ab Ordine.

Pari modo Extravagan- tes.

Extravagans II.

§.366. Impositum observetur continua- ta praxis Ordinis nostri, videlicet: ut Rota- lus Capituli Generalis immediate elapsi tam communis toti Ordini, quam particularis res- pective cujuslibet Monasterii, bis in quolibet anno legatur coram omnibus Monachis: nempe infra octavas Natalis, & Resurrectio- nis Domini.

Rotulus quo- que immediatè elapsi Ca- pituli Gen.

§.367. Cum autem, sicut eadem exposi- tio subjungebat, supradictus Petrus præmissa quo firmius substant, ac ferventur exactius, Apostolicæ confirmationis Nostræ patrocinio communiri plurimum desideret; Nos ejus- dem Petri votis hac in re, quantum cum Do- mino possumus, favorabiliter annuere volen- tes; eumque a quibusvis excommunicationis, suspensionis, & interdicti, aliisque Eccle- siasticis sententiis, censuris, & pœnis a jure vel ab homine quavis occasione vel causa la-

Hujusmo- di Consti- tutiones confir- mantur.

tis, si quibus quomodolibet innodatus existit, ad effectum præsentium dumtaxat conse- quendum, harum serie absolventes, & abso- lutum fore censentes, supplicationibus ipsius Petri nomine nobis super hoc humiliter por- rectis inclinati, de memoratorum Cardina- lium negotiis & consultationibus Episcoporum & Regularium præpositorum, qui relationem ejusdem Vincentii Cardinalis a Congregatione dictorum Cardinalium ad hoc negotium examinandum, & opus ejusmodi compilandum, ut præfertur, deputati, sibi factam audiverunt, consilio, Constitutiones ac Leges præinsertas cum illorum Prologo, & in eis disposita & contenta quæcumque, auctoritate Apostolica tenore præsentium confirmamus & approbamus, illisque inviolabilis Apostolicæ firmitatis robur adjicimus; ac omnes & singulos juris & facti defectus, si qui desuper quomodolibet intervenerint, supple- mus.

§.368. Cæterum Capitulo Generali ejus- dem Ordinis, ne Constitutiones ac Leges cum earum Prologo, aliave in ejusmodi compilatione disposita vel contenta, mutare, al- terare, corrigere, eisve derogare valeat seu præsumat, harum serie interdiximus; per- mittentes dumtaxat, quod si, & quando ex usu & observantia comperiantur, aliqua ex præmissis in praxim minus conducibilia ad bonum statum dicti Ordinis, vel Reformatio- ne indigere, tunc ille in tertio Capitulo Generali dicti Ordinis, suis loco & tempore celebrando, proponantur, atque cum voto ipsius Capituli Generalis, iterum referantur in præ- dicta Congregatione Cardinalium pro oppor- tuna provisione obtinenda; sin autem nulla in dicto tertio Capitulo Generali facta fuerit propositio hujusmodi, illa deinceps nullo modo fieri possit; ac interim & donec ab ipsa Congregatione Cardinalium fuerit aliter provi- sum, omnia & singula in hac compilatione contenta omnino & adamussim ferventur.

Capituloque Generali no- vas condendi Leges facultas admittitur.

§.369. Decernentes easdem præsentis lites- ras semper firmas validas & efficaces existe- re & fore, suosque plenarios & integros effec- tus sortiri, & obtinere; ac illis, ad quos spe- ctat & pro tempore quocumque spectabit, plenissime suffragari; sicque in præmissis per quoscumque Judices Ordinarios & Delegatos, etiam Causarum Palatii Apostolici Audito- res, ac Sedis Apostolicæ Nuntios, aliosve, quoslibet quacumque præminentia & pote-estate fungentes & futuros, sublata eis & eorum cuilibet quavis aliter judicandi & in- terpretandi facultate & auctoritate, judicari & definiti debere; ac irritum & inane, si secus super his a quoquam quavis auctoritate scien- ter vel ignoranter contigerit attentari.

Literarum præsentium validatio.

§.370. Quo circa Venerabili Fratri Archiepiscopo Toletan., & dilectis filiis Causa- rum Curie Camera Apostolicæ Auditori Generali, & Apostolicæ Sedis prædictæ in Re- gnis Hispaniarum Nuntio, necnon Officiali ejusdem Archiepiscopi Toletan. nunc & pro tempore existentibus per Apostolica scripta mandamus, quatenus ipsi, vel alter eorum, per se vel alium seu alios, ubi, & quando opus fuerit, & quoties illorum aliquis aut ali-

Mandatum pro execu- tione.

qui pro parte in præmissis interesse habentium, seu alicujus eorum desuper fuerint re- quiriti, eadem præsentis literas, & in eis contenta quæcumque solemniter publicantes, faciant auctoritate nostra ipsas præsentis lites- ras, & in eis contenta hujusmodi ab illis, ad quos spectat & spectabit quovis modo in fu- turum, in omnibus & per omnia inconcussæ & exacte, ut præfertur, observari, & executioni demandari; contraditores quoslibet & re- belles per sententias, censuras, & pœnas Ec- clesiasticas, aliæque opportuna juris & facti remedia, appellatione postposita, compescen- do, legitimisque super his habendis, servatis processibus, censuras & pœnas ipsas etiam, iteratis vicibus aggravando, invocato etiam ad hoc, si opus fuerit, auxilio brachii Sæcu- laris.

Contrario- rum derogatio.

§.371. Non obstantibus Constitutionibus & Ordinationibus Apostolicis, necnon quate- nus opus sit Ordinibus & Monasteriorum præ- dictorum, aliisque quibusvis etiam juramento confirmatione Apostolica, vel quavis firmi- tate alia roboratis, statutis, & consuetudinibus, privilegiis quoque, & indulgentiis, & literis Apo- stolicis in contrarium præmissorum quomo- dolibet concessis, confirmatis, & innovatis, Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis alias in suo robore permansuris ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Fides tran- sumptorum.

§.372. Volumus autem, ut earumdem, præsentium literarum transumptis, seu exem- plis etiam impressis, manu alicujus Notarii publici subscriptis, & sigillo Personæ in Eccle- siastica dignitate constitutæ munitis, eadem pro sua fides tam in iudicio quam extra illud habeatur, quæ ipsis præsentibus haberetur, si forent exhibitæ vel ostensæ.

Datum Romæ apud Sanctam Mariam, Majorem sub Annulo Piscatoris die 11. Octo- bris MDCCXXX. Pontificatus nostri anno Primo.

F. Card. Oliverius.

XII.

Dat. die 14. Octob. 1730. Pontif.

Moderatio quarumdam literarum Benedi- cti XIII. pro Ordine Fratrum Minorum Sancti Francisci de Observantia.

CLEMENS PAPA XII.

Ad futuram rei memoriam.

Proemium.

Circumspecta Romani Pontificis providen- tia, Christianidelium, qui e fluctibus sæ- culi in portum vitæ Religiosæ confugerunt, quieti & prosperæ directioni jugiter invigi- lans, ea, quæ certis rationabilibus ex causis a Prædecessoribus suis constituta fuerunt, si quid inde exoriri deprehendit incommodi, interdum moderatur, ac immutat, sicut æqui- tatis & justitiæ rationi consentaneum esse in Domino arbitratur.

§.1. Alias siquidem a pie mem. Benedicto PP. XIII. Prædecessore Nostro emanarunt pro universo Ordine Fratrum Minorum Sancti Francisci, de Observantia nuncupatorum, literæ in simili forma Brevis tenoris, qui se- quitur, videlicet = BENEDICTUS PP. XIII. Ad perpetuam rei memoriam. Universalis Ecclesiæ regimini &c. cætera legere est in Tomo præcedenti hujus editionis, & quidem pag. LXXXIV. Constituit. num. XXXIX, quæ brevitati consulentes omittenda censuimus.

Bened. XIII. PP. Literæ.

§.2. Cum autem ex ipso literarum præin- sertarum tenore satis superque constet, eum- dem Benedictum Prædecessorem nihil aliud per literas hujusmodi, ac in eis disposita, in- tendisse, quam exactæ Regularis disciplina in Ordine prædicto Observantiæ, felicique illius gubernio prospicere; Verum sicut ex- perientia postmodum docuit, non modo ex- inde, & præsertim in ea parte, in qua dicte literæ Statutis seu Constitutionibus generali- bus pro utraque familia, Cismontana scilicet & Ultramontana ejusdem Ordinis, editis ad- versantur vel minime consonant, optatus ille & laudabilis finis, quem idem Benedictus Prædecessor sibi proposuerat, nusquam consecutus fuerit; sed majora quam antea præ- dicto Ordini obvenirent incommoda, atque perturbationes, quod non solum Nobis, qui dum Cardinalatus honore, dictique Ordinis apud hæc Sanctam Sedem Protectoris mu- nere fungebamur, non semel re ipsa perspe- ctum exploratumque fuit, at ipsimet quoque Benedicto Prædecessori causam & occasionem præbuit, literas sic a se conditas quandoque ex parte moderandi, necnon eis derogandi, nonnullisque Fratribus Ordinis prædicti vota perpetua contra expressam earum dispositio- nem concedendi.

Hujusmodi Literæ a Bene- dicto PP. datæ, ut re- gulari disci- plina, ejus- que observan- tiæ provide- ret.

Quem fruem foritri cum, non essent, idem Po- ti- fex is sepius derogavit.

§.3. Quamobrem in Capitulo Generali ejusdem Ordinis anno novissime elapso 1729. in Civitate Mediolanen. celebrato post actas memorato Benedicto Prædecessori humiles gratias, quod inter cætera singularis suæ in- dictum Ordinem beneficentiæ monumenta, regularem in eo disciplinam per literas suas præinsertas egregie juvissit, prodiit Decre- tum, quo pro parte præfati Capituli Genera- lis eidem Benedicto Prædecessori supplicaba- tur, quatenus enarratas literas juxta dicti Ordinis Constitutiones ab illius Fratribus servari vellet; Quæ tamen instantia ob secu- tum paulo post ipsius Benedicti Prædecessoris obitum coram illo deferri ac promoveri ne- quivit.

Hinc ex Decr. Capit. Gen. an. 1729. et supplicatum, ut eadem Li- teras juxta Ordinis Con- stitut. servari mandaret.

§.4. Hinc est, quod Nos Ordinis & Fra- trum prædictorum, quos peculiari paternæ charitatis semper complexi fuimus, ac etiam num complectimur affectu, salubri regimini, ac religiosæ tranquillitati, quantum cum Domino possumus, providere cupientes, di- ctique nuperi Capituli Generalis votis beni- gne in præmissis annuere volentes, motu, scientia, deliberatione, deque Apostolicæ po- testatis plenitudine paribus, præinsertas Be- nedicti Prædecessoris literas, ac in eis san- cita, ordinata, & disposita quæcumque, ad for- mam Statutorum seu Constitutionum gene- ralium ejusdem Ordinis quoad utramque illius

Quod a Sau- ctissimo D.N. statuitur.



illius familiam prædictam servari, harum serie præcipimus & mandamus ac respective moderamus & reducimus.

Præsentium Literarum observantia.

§.5. Decernentes pariter ipsas præsentis literas semper firmas validas & efficaces existere, & fore suosque plenarios & integros effectus sortiri & obtinere, ac illis, ad quos spectat & pro tempore quocumque spectabit, in omnibus & per omnia plenissime suffragari; Sicque in præmissis per quoscumque Judices Ordinarios & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & Sedis præfatæ Nuncios, aliove quolibet quacumque præminentia & potestate fungentes & fructuosos, sublata eis & eorum cuilibet quavis aliter judicandi & interpretandi facultate & auctoritate, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus quoad ea, quæ præsentibus adversantur, præiunctis Benedicti Prædecessoris literis, necnon omnibus & singulis, quæ in eis concessa sunt non obstat, cæterisque contrariis quibuscumque.

Earumque transumptis præstantibus fides.

§.6. Volumus quoque, ut harum literarum transumptis seu exemplis, etiam impressis, manu alicujus ex Secretariis Ministris seu Commissariis Generalis dicti Ordinis, aut Notarii publici subscriptis, & sigillo officii ejusdem Ministris seu Commissariis aut Procuratoris Generalis ipsius Ordinis, vel alterius personæ in Ecclesiastica dignitate constitutæ munitis, eadem prorsus fides tam in iudicio quam extra illud adhibeatur, quæ ipsi præsentibus adhiberetur, si forent exhibitæ vel ostensæ.

Datum Romæ apud Sanctam Mariam. Majorem sub Annulo Piscatoris die 14 Octobris 1730. Pontificatus nostri anno Primo.

F. Card. Oliverius.

XIII.

Declaratio, quod Collegium de Ozzier Fratrum Missionariorum Ordinis Minorum Sancti Francisci de Observantia in Regno Sardinia remaneat sub jurisdictione Superioris Generalis totius Ordinis &c.

CLEMENS PAPA XII.

Ad futuram rei memoriam.

Seminarium hujusmodi a prima su institutione Ministro Generali Ordinarii immediate subiectum.

§.1. Exponi Nobis nuper fecit dilectus filius Bernardinus a Sanna Prefbyter expressè professus Conventus Castri de Ozzier in Provincia Sardinia Ordinis Fratrum Minorum Sancti Francisci de Observantia nuncupatorum, ac ejusdem Conventus in Curia Romana Procurator, quod erecto ante quadraginta annos dicto Conventu in Collegium sive Seminarium Missionum sub immediata subiectione, dispositione, & regimine tunc & pro tempore existentis Ministri Generalis Ordinis præfati cum facultate eligen-

di Guardianum, & recipiendi Novitios, ac cum Regulis, Constitutionibus, & Ordinationibus ad præscriptum quarumdam literarum sel. record. Innocentii PP. XI. Prædecessoris Nostri incipien. Catholica Ecclesia &c.

§.2. Novissime nempe die 6. Septembris 1728. prodit a Congregatione tunc existentium S. R. E. Cardinalium, negotiis Propaganda Fidei præpositorum, Decretum subinde a ven. mem. Benedicto PP. XIII. Prædecessore etiam nostro per suas in simili forma. Brevis literas confirmatum, per quod exceptis Collegiis seu Seminariis Fratrum Missionariorum hujusmodi tam erectis quam erigendis in Regnis Mexicano & Peruano, aliisque Indiæ Provincis pro conversione Infidelium, ac demptis duobus in Regno Lusitanie existentibus, cætera, quæ in Provinciis Hispaniarum sub dominio Regis Catholici erecta sunt, reducantur sub obedientia & regimine Ministrorum Provincialium cum illdem conditionibus præscriptis in alio Decreto Congregationis tunc quoque existentium ipsius S. R. E. Cardinalium, negotiis & consultationibus Episcoporum & Regularium præpositorum die 24. Januarii 1727. emanato, & per memoratum Benedictum Prædecessorem etiam approbato, & aliis, prout in Decreto primodictæ Congregationis Cardinalium, ac Benedicti Prædecessoris literis prædictis, quorum tenores præsentibus expressis, & ad verbum insertis haberi volumus, uberius continetur.

Decretum S. Congreg. de Propaganda Fidei, singula Seminarium vel Conventus &c. nonnullis exceptis Ministris Provinciali subiectis.

Juxta aliud Decretum S. Congreg. Episcop. & Regular.

Quibus de causis hocce Seminarium in hujusmodi Decretis non comprehendendi videatur.

Ejus Fratres de Religione optime meriti.

Procuratoris preces S. S. potestate pro hujusmodi obtinenda declaratione.

§.3. Cum autem, sicut eadem expositio subijungebat, licet dictum Collegium Castri de Ozzier Provincia Sardinia in istiusmodi Decreto, ac literis comprehensum non videatur, quia ultra quod in Provinciis Hispaniarum sub dominio Regis Catholici situm non reperitur, rationum momenta, quæ causam præbuerunt evarratæ reductioni locum sibi non vindicant in Collegio prædicto, utpote in ejus regimine & gubernio Superiores Ordinis prædicti nullam experti sunt difficultatem, neque ulla inconvenientia enata fuerunt in detrimentum salutaris Institutii, quod illius Fratres profitentur, aut debita & promissa obedientia aliquid vel minimum detractum aut imminutum existit; quinimo cum ingenti regularis observantia incremento Collegium ac Fratres præfati uberimos fructus in Sacris Missionibus quotannis obeuntis, vitia extirpando, mores reformando, catechismum & Catholicæ Fidei rudimenta edocendo, peccatores ad poenitentiam, dissidentes ad pacem & concordiam revocando, pietatem in Deum augendo, non sine magna Christianidelium universi Regni Sardinia ædificatione in vineæ Dominicæ cultura protulerunt, prout plures Venerabiles Fratres Episcopi, ac dilecti filii locorum Ordinarii ejusdem Regni contestantur.

§.4. Nihilominus dictus Bernardinus ad omnem dubitationis, ac quæstionis occasionem, quæ suboriri posset, submovendam, Collegium præfatum in primodictæ Congregationis Decreto, ac Benedicti Prædecessoris literis ejusmodi nequaquam comprehendendi, sed

sed sub dispositione priorum literarum Innocentii Prædecessoris remanere in omnibus & per omnia, non minus ac Regni Lusitanie, & alia Indiæ Occidentalium Collegia, sicut præmittitur, excepta, per Nos declarari, & ad majorem cautelam, ac quatenus opus sit, illud in pristinum, ac eum, in quo antequam hujusmodi Decretum, ac literæ Benedicti Prædecessoris emanarent, erat, statum restitui & reintegrari summopere desideret; quum æqui bonique ratio postulet, ea, quæ ab initio provide constituta fuerunt, ubi nihil postmodum contigerit, quod contrarium suadeat, minime immutari; Nobis propterea humiliter supplicari fecit, ut in præmissis opportune providere, & ut infra, indulgere de benignitate Apostolica dignemur.

Quod Sanctissimus D.N. de consilio ejusdem S. Cong. de Propag. Fidei indulget; hocce Seminarium sibi Ministro Generali Ordinarii subiectum declarat.

Præsentium Literarum observantia.

§.5. Nos igitur ipsius Bernardini votis hac in re, quantum cum Domino possumus, favorabiliter annuere cupientes, eumque specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore cœnentes, hujusmodi supplicationibus inclinati, de Venerabilium Fratrum nostrorum ejusdem S. R. E. Cardinalium, prædictis negotiis Propaganda Fidei præpositorum, qui relationem dilecti filii nostri Nicolai ipsius S. R. E. Cardinalis Spinulæ nuncupati sibi de super factam audiverunt, remque mature perpenderunt, consilio, præfatum Collegium sive Seminarium Castri de Ozzier sub jurisdictione obedientia & regimine Superioris Generalis Ordinis prædicti juxta formam literarum ipsius Innocentii Prædecessoris continuandum esse, auctoritate Apostolica tenore præsentium statuimus & declaramus; salva tamen semper in præmissis auctoritate primodictæ Congregationis Cardinalium.

§.6. Decernentes, easdem præsentis literas firmas validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore spectabit, plenissime suffragari, & ab eis respective inviolabiliter observari; Sicque in præmissis per quoscumque Judices Ordinarios & Delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus præmissis, ac Constitutionibus & Ordinationibus Apostolicis; necnon, quatenus opus sit, Ordinis, Provincia, & Conventus hujusmodi, etiam juramento, confirmatio ne Apostolica, vel quavis firmitate aliâ roboratis statutis & consuetudinibus, privilegiis quoque, inultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad

verbum insertis habentes, illis aliis in suo robore permanens, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam. Majorem sub Annulo Piscatoris, die 16. Octobris 1730. Pontificatus Nostri anno Primo.

F. Card. Oliverius.

XIV.

Moderno, & pro tempore existentibus Aretinis Episcopis, Pallii usus, & Crucis prælatio perpetuo conceduntur.

Dat. die 16. Octobr. 1730. Pontif.

CLEMENS EPISCOPUS

Servus Servorum Dei

Ad perpetuam rei memoriam.

Insignes Ecclesias, quas beneficiis amplioribus divina clementia cumulavit, nec temporalis modo honoris titulis, sed religionis potissimum & sanctitatis splendore voluit eminere, par est, ut Apostolica etiam Romani Pontificis liberalitas ad sacra dignitatis incrementum præcipuis favoribus & privilegiis ornaret & augeat.

Exordium.

§.1. Cum itaque Ven. Frater Joannes Antonius modernus Episcopus Aretinus, nostræ secundum carnem Sororis filius, ex Ordine Fratrum Beatæ Mariæ de Monte Carmelo Excalceatorum, ob præclaras ejus virtutes ad Ecclesiæ Aretinæ regimen evocatus, & commissa sibi Sponsa merita prout providum decet sponsum, promovere cupiens, Nobis exposuerit, Ecclesiam Aretinam hujusmodi tam conspicuis sacrae antiquitatis, illibataque Religionis ornamentis, tantaque Diocesis amplitudine, Cleri Populique & Vassallorum frequentia celebrari, ut inter primarias Hætruræ non immerito numeretur: Eam nimirum Nobis & Sedi Apostolicæ immediate subiectam, & fide incorrupta, perpetuoque communionis fœdere conjunctam, Beati Sartyri primi ejusdem Ecclesiæ Aretinæ Antistitis, successoris ejus Donati, aliorumque sex Sanctorum Episcoporum meritis & virtutibus illustrari: Martyres etiam cœlo dedisse complures, eorumque duo millia & sex centos una die fuisse pro Christo immolatos, quorum Reliquiis etiam nunc Cathedralis, aliæque Ecclesiæ locupletantur: Diocesis quoque tam late undique patere atque diffundi, ut undecim finitimis Diocesis terminetur, ingentique animarum numero frequentari, in Parochias tercentas & sexaginta distributo: Tum, præter Pagos & Vicos supra centum, sinu suo complexi Oppida duodecim sacris Ecclesiis conspicua, quarum nonnullæ insignes Collegiatae sunt, nitore & cultu præstantes; idque etiam postquam ex ipsius Aretinæ Ecclesiæ Territorio quatuor Dioceses detractæ, sive dismembratæ sunt, aliæque tres

Causæ concessiois.

Ecclesiæ Aretinæ antiquitas, ac dignitas.

Diocesis amplitudo.

non



non exigua accessione ex eisdem Territorii partibus acceverunt: Ad eisdem etiam Ecclesie splendorem dignitatemque pertinere, quod e sua Diocesi tres Romanos Pontifices predecessores nostros, Pium II., Julium III., Marcellum itidem Secundum ad universalis Ecclesie regimen eduxerit: Inter celebres preterea Aretinos Episcopos recenseri Theobaldum Fratrem Bonifacii, olim Marchionis Tusciae Patris Comitissa Matildis, egregie de Romana Ecclesia, ac de Aretina etiam merita, in cuius Diocesi tres peramplos, & ad nostra usque tempora superstitis are suo excitavit, opibusque instruxit Ecclesias: Plures itidem magni nominis boni: S. R. E. Cardinales, dum vixerunt, Riarium, Ermellinum, Bonificium nuncupatos, nec ita multo pridem ex nostra Gente Nereum Corsinum Patrum nostrum eidem Ecclesie laudabiliter praefuisse: Suam denique Diocesim gemino Sanctuario ob Beatorum Virorum secessum longe celeberrimo mirifice insigniri, Montis videlicet Alvernie, ubi Franciscus Ordinis Fratrum Minorum institutor sacris Stigmatibus mira Dei gratia impressus est, necnon Camaldulensium, in quo Romualdus aliquandiu vitam eremiticam duxit, & in quo etiam nunc Aretini Episcopi ob lata fundia, jam pridem a suis Antecessoribus liberaliter illi concessa, praeminentias & juratronatus honorifica servant & retinent: Quin etiam in eisdem Diocesis sinu olim fuisse conclusam & comprehensam sacram Aconae Eremum, ubi Beatus Bernardus Ptolomeus fundamenta jecit Congregationis Olivetanae, cuius Regulam Guido Episcopus Aretinus ex Apostolica facultate probavit, & cui candidum Habitum cum Religionis insignibus impertivit: Ad haec autem spiritualia eisdem Ecclesie decora accedere non obscuras temporalis juris prerogativas, cum Episcopi Aretini pro tempore existentes Comitatus Cesa Domini etiam in temporalibus existant; ac olim Romani Imperii Cancellarii fuerint in Tuscia, totiusque amplissima Diocesis temporalia etiam dominium habuerint.

§. 2. Quapropter memoratus Joannes Antonius Episcopus, tot tantisque Ecclesie suae Aretinae meritis subnixus, plurimum cupiat, ut a Nobis per Apostolica munera nostra, ut infra largienda, tanto meritorum hujusmodi decori claritas augetur, & honor: Nos propterea ad eximias eisdem Ecclesie dotes animum nostrum advertentes, considerantesque, quod Sedes Apostolica aequa munerum suorum dispensatrix nullas Ecclesias, etsi Primatiali vel Patriarchali aut Metropolitanico minime decoratas titulo, multiplici tamen singularium prerogativarum cumulo, celebratae suorum, & ex eis nonnullorum, qui pro tempore fuerunt Beatorum Praesulum illustratas Sanctitate, metropolitanis in eorumdem suorum pro tempore existentium Praesulum persona decorare consuevit insignibus proindeque Divinam gloriam in dicta Ecclesia Aretina amplificare, & Beatorum cultum, quorum ibi sacra Corpora religiosissime aservantur, praesertim praefati Beati Donati, & Gregorii Papae X. predecessoris nostri, quos

Tres Romani Pontifices et antea praefuere:

Nonnulli ejus Episcopi celeberrimi.

Inter quos Nereus Corsinus Sanctissimi D. N. Patrum.

In hac Diocesi duo Sanctuaria

Mons Alvernie primus: Ac Eremus S. Romualdi Camaldulensium.

Aliaque nonnulla:

Episcoporum etiam in temporibus prerogativae.

praecipuos habet & colit Ecclesia illa Patronos, augere: necnon ipsius Ven. Fratris Joannis Antonii Episcopi votis obsecundare: eximioque amori, quo antedictus Cardinalis Nereus Patruus Noster Ecclesiam suam Aretinam complectabatur, respondere: & nostri pariter perenne aliquod monumentum extare volentes, ipsumque Joannem Antonium Episcopum a quibusvis & censentes, necnon omnia & singula privilegia & indulta Apostolica, seu quavis alia auctoritate eidem Ecclesiae Aretinae, illiusque Praesuli pro tempore existentis, si qua sint quomodolibet concessa, praesentibus pro expressis habentes, Motu proprio, & ex certa scientia, deque Apostolicae potestatis plenitudine eidem Joanni Antonio Episcopo & successoribus ejus Aretini Episcopis pro tempore existentibus, ut ipsi imposterum perpetuis futuris temporibus Pallio, Insigni videlicet plenitudinis Pontificalis officii, ex eorum parte a Nobis & pro tempore existente Romano Pontifice per eorum proprium nuncium ab eis destinandum cum ea, qua decet instantia, postulando, & de Corpore Beati Petri sumendo, sumptumque per unum & alterum Archiepiscopos, seu Episcopos eis sub forma a Nobis & Romano Pontifice pro tempore existentibus assignanda, eodemque Pallio intra dictam Ecclesiam Aretinam diebus a Nobis, ut infra assignandis, uti necnon Crucem in Diocesi Aretina ferre ad instar Picinen. & Bambergensis Episcoporum libere & licite possint & valeant, Apostolica auctoritate perpetuo ex gratiae speciali, qua minime transeat in exemplum, concedimus, & indulgemus.

§. 3. Dies autem, quibus Pallio praefato uti possunt, hi sunt, videlicet: Nativitatis Domini Nostri Jesu Christi, Beatorum Stephani Prothomartyris, & Joannis Evangelistae, Circumcisionis, & Epiphaniae Domini Festi dies, Dominica Palmarum, Feria quinta majoris Hebdomadae, Sabbathum Sanctum, Pascha, Feria secunda post Pascha, Ascensio Domini, Pentecostes, ac etiam tria vel quatuor Deciparae Virginis, Nativitatis Sancti Joannis Baptistae, ac omnium Apostolorum, & commemorationis omnium Sanctorum, Dedicatiois & Anniversarii Consecrationis, aliaque Ecclesiae Aretinae praefatae principalia Festa, dies quoque quibus Clericorum ordinatio habetur.

§. 4. Ut autem signum a Nobis, sicut praefertur, concessum & indultum, non discrepet assignato: sed quod geritur exterius, interius servetur in mente, Joannem Antonium Episcopum & Successores suos Aretinos Episcopos pro tempore existentes praefatos monemus, & hortamur attente, quatenus humilitatem & justitiam dante Domino, qui dat praemia, & munera largitur, servare studeant, qua earum servant & promovent servatores; ac eandem Ecclesiam Aretinam eorum Sponsam curent sollicitate, auctore Domino, spiritualiter & temporaliter augmentare: Et ut concessione & Indulto praefatis pacifice frui valeant, quibusvis Primatibus, Patriarchis, Archiepiscopis, & Episcopis, usu Pallii & Crucis praelatione praefatis ex Apostolicae Sedis

Sanctissimus D. N. omnia antiqua Privilegia huic confirmat Ecclesiae.

Eisdem Episcopis Pallio insignit, Crucis praelationem quoque concedemus.

Assignatio dierum ad hujusmodi Pallii usum.

Episcopos ad sollicitam Ecclesiam, Gregisque curam adhaerentur.

Hujusmodi litterarum validatio etiam quoad obsecrandam.

Sedis benignitate gaudentibus, districtius inhibemus in virtute sanctae obedientiae, ne Joannem Antonium, & Successores suos Episcopos Aretini, pro tempore existentes praefatos, quovis modo seu praetextu super praemissis audeant quomodolibet molestare, ac usum Pallii hujusmodi, Crucisque praelationem, quoquo modo impedire praesumant. Praesentes quoque nostras literas ullo unquam tempore de subreptionis vel obreptionis vitio, aut intentionis nostrae, vel quopiam alio defectu, etiam ex eo, quod ad id interesse habentes seu habere praetendentes vocati, & causa, propter quas eadem praesentes desuper emanaverint, verificatae non fuerint, notari, in jus vel controversiam, seu alias revocari non posse; nec per subreptionem vel obreptionem, aut intentionis nostrae hujusmodi defectum, obtentas praesumi, & ob id viribus carere; minusque sub quibusvis similibus vel dissimilibus gratiarum revocationibus, suspensionibus, limitationibus, & aliis contrariis dispositionibus quantumvis generalibus, ac fortissimis clausulis, & decretis irritantibus roboratis, comprehendi; sed semper ab illis exceptas, & quoties illae emanabunt, toties in pristinum, & eum, in quo antea quomodolibet erant, statum, etiam sub data per Joannem Antonium Episcopum & Successores suos Aretini Episcopos pro tempore existentes praefatos eligenda, plenarie restitutas esse: sicque & non alias per quoscumque Judices Ordinarios & Delegates, quavis auctoritate fungentes, etiam Caesarum Palatii Apostolici Auditores, ac praefatae S. R. E. Cardinales, etiam de Latere Legatos, Vicelegatos, dictaque Sedis Nuncios, sub lata eis & eorum cuiuslibet quavis aliter iudicandi & interpretandi ac definiendi forma, iudicari & definiiri debere; irritum quoque & inane, si secus super his a quoquam quavis auctoritate scienter vel ignoranter contigerit attentari, motu simili decernimus & declaramus.

§. 5. Quocirca dilectis filiis, nostro & Sedis Apostolicae Nuncio in Hetruria commoranti, ac Caesarum Curiae Camerae Apostolicae Auditori generali, motu pari per Apostolica scripta mandamus, quatenus ipsi aut unus eorum, per se vel alium seu alios eandem praesentes, & in eis contenta quaecumque, ubi & quando opus fuerit, ac quoties pro parte Joannis Antonii Episcopi praefati seu Successorum suorum Episcoporum Aretinorum pro tempore existentium hujusmodi fuerint requisiti, solemniter publicantes, sibi que in praemissis efficacis defensionis praesidio assistentes, faciant eisdem praesentes, & in eis contenta quaecumque, omnibus, quos illae concernunt, inviolabiliter observari; non permittentes eos vel eorum aliquem super usu, Pallii & Crucis praelatione hujusmodi quomodolibet molestari; Contradictores quoslibet, & rebelles per sententias, censuras, & poenas Ecclesiasticas, aliaque opportuna juris & facti remedia, appellatione postposita, compescendo, legitimisque, super iis habendis, servatis processibus, sententias, censuras, & poenas ipsas, etiam iteratis vicibus aggravando, invocato etiam, si opus fuerit, ad hoc auxilio brachii saecularis.

Non obstantibus fe: re: Bonifacii Papae VIII. similiter predecessoris Nostri de una, & Concilii generalis de duabus dietis, dummodo ultra tres dietas, quis vigore praesentium ad iudicium non trahatur: ac aliis Constitutionibus & Ordinationibus Apostolicis: & quatenus opus sit, Nostra & Cancellaria Apostolicae regula de non tollendo jure, quae sit: ac quibusvis aliis Apostolicis, necnon in Provincialibus & Synodalibus Conciliis editis vel edendis, specialibus vel generalibus Constitutionibus & Ordinationibus, ac quibusvis quarumcumque Primatialium: Patriarchalium, Archiepiscopalium, & Episcopopalium Indulto, & concessione similibus respective, suffultarum etiam juramento, confirmatione Apostolica, vel quavis firmitate alia, roboratis: statatis, & consuetudinibus, privilegiis quoque, indultis, & literis Apostolicis sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus & insolitis clausulis, irritantibusque, & aliis decretis in genere vel in specie, etiam Motu proprio & scientia similibus, ac aliis quomodolibet etiam iteratis vicibus concessis, approbatis, & innovatis. Quibus omnibus, etiam si de illis ac totis eorum tenoribus specialis specifica individua & expressa mentio habenda, aut aliqua alia exquisita forma servanda esset, tenores hujusmodi, ac si de verbo ad verbum infererentur, praesentibus pro sufficienter expressis habentes, illis alias in suo robore permansuris, hac vice dumtaxat specialiter & expresse derogamus, ceterisque contrariis quibuscumque.

Seu si aliquibus communiter aut divisim ab eadem sit Sede indultum, quod interdicti suspendi vel excommunicari non possint per literas Apostolicas, non facientes plenam & expressam, ac de verbo ad verbum de indulto hujusmodi mentionem.

§. 6. Volumus autem, quod praesentium, transumptis, etiam impressis, manu Notarii publici subscriptis, & sigillo alicujus personae in dignitate Ecclesiastica constitutae munitis, ea ubique fides adhibeatur, qua eisdem praesentibus adhiberetur, si forent exhibitae vel ostensa.

§. 7. Nulli ergo omnino hominum liceat hanc paginam nostrae absolutionis, concessiois, indulti, decreti, declarationis, mandati, & derogationis infringere, vel ei ausu temerario contraire: Si quis autem hoc attentare praesumpserit, indignationem omnipotentis Dei, ac Beatorum Apostolorum ejus Petri & Pauli se noverit incursum.

Datum Romae apud S. Mariam Majorem Anno Incarnationis Dominicae millesimo septingentesimo trigesimo, septimo Kal. Novembris, Pontificatus Nostri Anno Primo.

Contrariis derogatio.

Fides Transumptorum.

Ac Privilegii hujusce servanda dignitas.

F. Card. Oliverius.



XV.

Dat. die 25. Nov. 1730. Pontif. I.

Concessio Privilegiorum pro nonnullis suis Familiaribus.

Similia Privilegia legenda sunt, ab Antecessoribus quoque Pontificibus suis concessa Familiaribus.

CLEMENS PAPA XII.

Venerabilibus Fratribus Sinibaldo de Atria Patracen. cubiculi nostri Praefecto: Carolo Majella Emeslen. literarum nostrarum in forma Brevis, quae ad Principes scribuntur, Secretario: ac Francisco Antonio de Valentibus Theodosien. Archiepiscopo, Datarario: Nicolao Augustino de Abbatibus Oliverio Porphyren. Secretarii nostri Praefecto: & Nicolao Albini Leucen. Episcopo, Eleemosynario Secreto: ac dilectis filiis Marcello Passari Arianen., Auditori: Paulo Folsi Forolivien., Pincerna: Gregorio Aurelio Perusino. Jacobo Leoni Romano, Vestiario: Dominico Palazzi Mediolanen., Cajetano Lemer Romano, Gaspari Mecoa Pampilonen., Josepho Lavizzani Mutinen., Notarum Arcanarum, Secretario: Francisco Landi Placentin. Provinciae Bononien., Petro Ludovico Jaquet Leodien., Dominico Volpi Baren., Antonio Leprotti Mutinen. Medico Secreto, Cubiculariis intimis seu secretis: & Donato Mariae Antinori Florentin. Fratri Militi Magnae Crucis, ac Bajulivo Hospitalis Sancti Joannis Hierosolymitan.: Marchionibus, Alexandro Gregorio Capponi, Forerio Majori: Philippo Astalli, & Andreae Maidalchini Romanis, item Cubiculariis secretis: Francisco Mariae Spannochi Senen. Subdatario, Angelo Belli Camerinen., Architrucino: Petro Valerii Romano, Laurentio Sbatti Sabinen., Cajetano Panicci Ugentin., Francisco Cajetano Diversini Romano, Joanni Barba Neapolitan., Thomae Alexio de Rubeis Neritonen., & Venantio Philippo Pierfanti Camerinen. Cappellanis Secretis: Cajetano Cardoni Romano, & Horatio Antonio Battari Veliternen., Clericis Secretis: & Josepho Mariae Cardoni Lucen., Antonio Civile, Carolo Sciampagna, Joanni Giandotti, Petro Pozzi Romanis, & Joanni Orbicciani Lucen. cubiculi nostri Adjutoribus: necnon Donato Antonio Civitella Beneventan., Magistro Domus nostrae, & Antonio Durani Montislaconen. respective Civitatum, vel Dioecesium, Clericis seu Presbyteris vel Laicis, Palatii nostri Apostolici, Ratiocinatori, familiaribus continuis commensalibus nostris: salutem & Apostolicam benedictionem.

Exordium.

Circumspecta Romani Pontificis gratiarum dispensatoris providentia devotos & fideles suos, illos praesertim, qui grata familiaritatis obsequia jugiter ei impendunt, ac quos ad id alias propria virtutum merita commendant, honoris & famae amplioribus praerogativis ac praeclearis dignitatum titulis decorare & ornare; necnon specialis benevo-

lentie favoribus amplecti solet, prout personarum qualitatibus conspicit convenire.

§.1. Hinc est, quod Nos ad grata familiaritatis obsequia, quae vos, qui etiam continui commensales nostri existitis, & quilibet vestrum nobis haecenus impendistis, & adhuc sollicitis studiis impendere non desistitis; necnon ad vitam ac morum honestatem, aliaque laudabilia probitatis & virtutum merita, quibus personas vestras etiam familiari experientia juvari percepimus, condignam rationem habentes; ac propterea easdem personas vestras peculiaris favore gratiae, ac specialis honoris, & excellentiae dignitatis titulo sublimare volentes, vosque & quemlibet vestrum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure vel ab homine quavis occasione vel causa latis, si quibus quomodolibet innodati existitis, ad effectum praesentium dumtaxat consequentium harum ferre absolventes & absolutos fore cientes, Motu proprio, non ad vestram vel alterius pro vobis super hoc oblatam petitionis instantiam, sed de mera liberalitate, & certa scientia nostris, ac de Apostolica potestate plenitudine, vos & quemlibet vestrum respective in nostros, & Sedis Apostolicae Notarios (sine tamen praesudicio dilectorum filiorum Notariorum de numero participantium) Apostolica auctoritate tenore praesentium recipimus, ac Sacri Palatii & Aulae Lateranen. Comites, necnon Auratae militiae Equites, ac nobiles Romanos, & Urbis Romae, ac Civitatum Avinionen., Bononien., Ferrarien., & Beneventan., omniumque & singularum aliarum Civitatum, Terrarum, & Locorum Romanae Ecclesiae mediate vel immediate subjectionum. Cives cum omnibus juribus, jurisdictionibus, praerogativis, & insignibus debitis & consuetis creamus & constituimus; ac in numerum & consortium aliorum nostrorum, & ejusdem Sedis Notariorum, necnon Palatii & Aulae hujusmodi Comitum, Equitum, & Nobilium Romanorum, aliorumque Civium, Civitatum & Terrarum praedictarum referimus & conferimus; Vobisque, etiam si habitum & Rochettum Notariorum dictae Sedis juxta decreta Lateranen. Concilii novissime celebrati non deferatis, aut Civitates hujusmodi non incolueritis, nec unquam in eisdem Civitatibus domicilium habueritis, ut omnibus & quibuscumque privilegiis, & facultatibus, exemptionibus, immunitatibus, libertatibus, favoribus, gratis, & indulgitiis, quibus caeteri omnes Notarii nostri etiam de numero participantium, ac Comites, Equites & Nobiles, (citra tamen exemptiones a Sacro Concilio Tridentino sublatas, ita ut necdum quoad criminalia, sed etiam quoad civilia subiaceatis Ordinariis, ac citra facultates legitimandi ad gradus promovendi, Notarios seu Tabelliones creandi, aliaque hujusmodi privilegia a Notariis & Comitibus praestatis praesentia, ita ut illis nullibi uti valeatis, ac irritum & inane existat, quidquid secus per vos aut quemlibet vestrum respective attentari contigerit) necnon Cives originarii etiam in Dignitatum, Beneficiorum & Officiorum Ecclesiae-

Familiares suos nonnullis exornat Privilegiis.

Eos Sedis Apost. Notarios.

Lateranen. Comites, ac Auratae Militiae Equites creamus;

Et ad quaecumque Officia, acque Beneficia consequenda abiles declarat.

clasticorum & Saecularium, etiam ex personis Romanorum Civium originariorum, vacantium, ascensione & exercitio tam in Urbe quam in omnibus & singulis Civitatibus praedictis, & aliis ubique locorum & gentium, necnon Sessionum, & Conventuum, utuntur, potiuntur & gaudent, ac uti potiri & gaudere poterunt quomodolibet in futurum; non solum ad eorum instar, sed pariformiter & aequae principaliter, ac si privilegia, facultates, exemptiones, gratiae, & indulgentiae hujusmodi pro vobis emanassent, uti potiri & gaudere, ac in omnibus & singulis Apostolicis, aliisque literis instrumentis & scripturis publicis & privatis, deinceps nomine vestro conficiendis, Notarios, Comites, Equites, & Nobiles, ac de nobili genere ex utroque parente procreatos; necnon Romanae & aliarum Civitatum & Terrarum Cives, prout liberit, vos inscribere & illis subscribere valeatis: ac pro veris & non fictis Notariis, Comitibus, Equitibus, & Nobilibus, ac Civibus habeamini; nihilque, qualecumque illud fuerit, cum iis subscriptionibus subreptitum vel obreptitum aut invalidum, sed illud idem efficax in omnibus censeatur; necnon honoris causa insignia Gentis nostrae, sive integre sive cum vestris respective composita, gestare possitis, prout vobis placuerit, concedimus.

Formam Beneficia a quibusvis eximitur oneribus.

§.2. Et insuper vos, vestraque Beneficia, & officia Ecclesiastica quaecumque quotcumque & qualiacumque, illorum fructus res & jura, ubicumque Locorum Regnorum & Provinciarum, necnon in Urbe, Civitatibus, Terris & locis eidem Romanae Ecclesiae mediate vel immediate subjectis consistentia, praedia, domos, possessiones, & bona patrimonialia, aliaque temporalia mobilia & immobilia ac se moventia, necnon actiones & jura praesentia & futura cujuscumque qualitatis quantitatis & naturae, ac cujusvis etiam annui valoris fructus, redditus, & proventus, hujusmodi sint vel fuerint, ac etiam quaecumque a vobis vendenda, ac pro vestris & familiarum vestrarum usibus emenda, ab omnibus & quibuscumque decimis, quartis, & dimidiis partibus, subsidiis etiam charitativis, necnon vectigalibus, portoriis, tributis, datis, pedagogis, collectis, & quocumque alio nomine nuncupatis angariis, perangariis, caeterisque oneribus & contributionibus tam urbanis quam rusticis, ordinariis & extraordinariis, realibus, personalibus, & mixtis, etiam ratione munitionum, manuum, & pontium, portarum, & molinarum, & mercium cujuscumque generis, transitus seu passus & vecturae, etiam in aliud Territorium seu Provinciam, terra, mari & flumine; necnon equorum, mortuorum stabulationum militum, Institutionis Seminarum Ecclesiasticorum, aut quacumque alia quantumvis gravi & gravissima causa (pro subventionem contra Infideles dumtaxat excepta) nunc & pro tempore impositis; ita quod vos & quilibet vestrum nihil omnino horum aut aliorum similium subire teneamini, nec per Camerae Apostolicae aut alios Commissarios, seu vectigalium & tributorum hujusmodi redemptores conductores & exactores, quocumque privilegio exemptione

& facultate suffultos, alias quam ut praeretur, valeatis coartari (quandiu servitium nostris insisteritis dumtaxat) eximimus & liberamus.

§.3. Ad haec vobiscum & cum quolibet vestrum respective, ut quaecumque duo diffimilia, vel simplicia familia sub singulis tribus tectis quarumcumque trium Cathedralium etiam Metropolitanarum aut aliarum etiam Collegiarum Ecclesiarum consentientia, etiam si unum ex illis omnibus cum cura, aut Dignitas etiam major & principalis, Canonatus, & Praebenda, Personatus, administratio, vel officium fuerit, & ad dignitatem, personatum, administrationem, vel officium hujusmodi consueverit quis per electionem assumi eique cura etiam jurisdictionalis immineat animarum, si alicui vestrum alias canonice conferantur, aut quisque vestrum eligatur praesentetur, aut alias assumatur ad illa, & instituantur in eis; recipere & dummodo illa omnia (uno excepto) personalem residentiam non requirant, insimul quoad vixeritis retinere; necnon etiam quamdiu Nobis inservieritis, tantum in Beneficiis Ecclesiasticis, etiam curatis (non tamen Parochialibus, nec Curatis cura animarum parochianorum) per vos pro tempore respective obtentis, etiam de jure, statuto, fundatione, vel privilegio personalem residentiam requirentibus, etiam si Dignitates in Cathedralibus, etiam Metropolitanis, post Pontificalem majores, ac Collegiatis Ecclesiis hujusmodi principales fuerint, personaliter residere non teneamini; nec per locorum Ordinarios aut Ecclesiarum earundem Capitula, seu quovis alios ad residendum interim in illis, invitati compelli possitis; omnesque & singulos nihilominus vestrorum Beneficiorum obtentorum fructus, redditus, & proventus, durante servitio praedicto cum ea integritate (distributionibus quotidianis dumtaxat exceptis) cum qua illos perciperitis, si in eisdem Ecclesiis sive locis personaliter resideretis, percipere exigere & levare; ac interim vel postmodum, si volueritis, in Romana Curia vel extra eam a quocumque, quem malueritis, Catholico Antifite gratiam & communionem ejusdem Sedis habente, quem duxeritis eligendum, ad omnes etiam Sacros & Presbyteratus ordines aliquibus tribus Dominicis vel aliis festis diebus, etiam extra tempora a jure statuta, proprii Ordinarii, aut cujusvis alterius licentia desuper minime requisita, si alias ad id idonei reperti fueritis, (super quo Antifitis conscientiam oneramus) promoveri, & promoti in illis etiam in Altaris ministerio ministrare; necnon etiam si Presbyteri fueritis, ac dignitates & officia obtinueritis, leges & jura civilia etiam publice in Scholis & Universitatibus studiorum generalium ad quinquennium dumtaxat, dummodo trigessimam aetatis annum non excesseritis, audire; & si habiles & sufficientes reperti fueritis, etiam ad Doctoratus gradum in hujusmodi facultate vos promovere facere, ipsaque jura etiam publice docere, atque Judicis Advocati & Procuratoris officio in causis Ecclesiasticis & Civilibus tantum exercere libere & licite possitis & valeatis, auctoritate, & te-

Super Beneficiorum pluralitate dispensat.

Ac residentiam in eis.

Nec non super receptione Ordinum, quoad tempora, & Ordinatum.